



張船山先生事略

彭端淑 李調元

船山先生張姓問陶名字仲治四川遂寧人相國文端公鵬翮曾孫也生於山東之館陶幼有異稟工詩有青蓮再世之目其存詩自十五歲始乾隆五十五年庚戌成進士尋授檢討 詔選翰詹三十人名蜀中年輩在船山前名分書養心殿屏幅先生皆與焉庚申秋分校順天鄉試明年教習庶吉士乙丑改御史巡緝淑丹棱人雍正十一年幾改吏部郎中明年七月授萊州知府與上官齟齬鬱鬱不自得逾年病免歸時年四十院有白鶴堂詩文集其詩居曰樂天天隨鄰屋時往來大江南北未幾卒於客舍先生狀似猿自號蜀山老猿亦稱進士官潼商道著有童山空靈於從前諸名家外又闢一境其實雞題壁十八首指陳軍事得老杜諸將之遺傳誦爲多又選刻朝鮮四家詩藤不經意處皆有天趣其婦亦能詩有句云修到人閒才子婦不辭清瘦似梅花先生和之有夜窗同夢筆生花句佳話也著有船山詩草 國朝二百年來蜀中詩人以船山爲最有彭樂齋者以詩古文名蜀中年輩在船山前名相埒樂齋詩近體不及船山五古蒼健沈鬱有杜意論者謂在船山之右云樂齋彭姓名端淑丹棱人雍正十一年進士官吏部澹無好也獨肆力爲古文詞自文選司郎中出爲肇羅道未幾歸主錦江書院有白鶴堂詩文集其詩質實厚重不爲鑿悅之習文亦如之又李君調元字雨村號墨莊縣州人乾隆二十八年進士官潼商道著有童山詩集雨村詩話藏書數萬卷愛才若渴嘗輯函海一書多至二百餘種表彰揚升進者作爲多又選刻朝鮮四家詩四家者李書九洛瑞柳得恭惠風樸齊家次修李德懋懋官也而樸齊家之名尤著

黃仲則先生事略

楊芳燦 楊炎

黃君景仁字漢鏞一字仲則江蘇武進人生四歲而孤八歲試爲文援筆立就爲諸生冠其儕君風儀玉立慕與交者爭趨就君君或上視不顧人多以爲狂未冠遇洪稚存逆旅中始共學爲詩同游邵編修齊燾門下旋客湖南提

刑王君大岳所是時君已攬九華陟匡廬泛彭蠡游洞庭每獨遊名山經日不出值大風雨或瞑坐大樹下收覽見者皆以爲異人自湖南歸詩益奇肆後稍變其體爲王李高岑又出入北宋諸家卒其所詣與青蓮爲近大興朱竹君督學安徽延君及稚存入幕三月上巳會於采石之太白樓授簡賦詩者十數人君年最少著白袷立日影中頃刻數百言徧眎坐客客爲之闌筆居半歲與同事者議不合徑出使院質衣買輕舟訪秀水鄭編修虎文於徽州追之已不及矣嘗自憾其詩無幽并豪士氣遂遊京師翁學士方綱紀學士昀王廉訪昶馮吉士敏昌皆奇君與定交他貴人招之不往也乙未

高廟東巡

召試入二等

在武英殿書簽例得主簿入賞爲縣丞先是陝撫畢公

沅奇君才厚資之至是爲饋家所迫復抱病踰太行出雁門將復遊陝次解州卒於河東運使沈君業富官署年三十有五畢公厚賻之稚存奔其喪所著曰雨當山房集同時楊君蓉裳名芳燦無錫人母顧夢五色雀集庭樹而生君詩文少卽華瞻學使彭文勤大異之字以兄女由拔貢應廷試得知縣補甘肅之伏羌回民田五爲亂起石峯堡縣民馬稱驥應之未發君先期募鄉勇設防會馬映龍以賊謀告君立捕殺稱驥賊遽至與映龍等登陴守五日圍解映龍稱驥甥也君治縣溫溫若不任事者坐堂皇飢事罷即手一編就几讀人笑之而其應變敏決乃若是初蘇四十二之亂獄詞連伏羌人大恐君力請於提刑得末減及石峯堡事平賊首張文慶子泰憾映龍洩其謀曰映龍故與吾父通其助守城欲於五日後獻城也阿文成逮映龍至靜甯君曰映龍果欲獻城曷爲以謀告且伏羌無兵勇皆烏合衆亦無俟五日後方始竭文成悟立出之獄君以功擢知靈州嘗單騎論散奪米飢民請借口糧設粥廠以安衆大府才之君顧不樂外吏入賞爲員外郎居戶部與修會典公餘擁書縱讀益務記覽爲詞章詩出入義山昌谷閒而自成其體又工儷體文驚才絕艷世謂盈川復生嘗曰色不欲其耀氣不欲其縱沈博奧衍斯儷體之能事也守伏羌時王蘭泉廉使統師長武嘉其偉節賦詩飛蓬圍城君立和之并上伏羌紀事百韻其整暇如此丁母憂貧甚購書以歸主衢杭及關中書院數年入蜀修四川通志主錦江書院弟揆知安縣往省之卒於其署年六十

有三著有吟翠軒初稿揆字荔裳乾隆庚子召試舉人少擅風雅與其兄蓉裳齊名由中書從嘉勇福公征衛藏所  
歷熊耳山星宿海諸勝異境天開詩格與之俱進累官四川布政使著有藤華吟館集

黎二樵先生事略

張鶴芳 馮敏昌 溫汝道  
趙希 胡亦常 黃丹書 呂堅

嶺南自三家後風雅寥寥繼起者爲張太史錦芳馮戶部敏昌溫侍郎汝适趙大令希璜而必以黎二樵先生爲冠  
先生名簡字簡民號二樵順德人十歲能詩峻拔新幘李南澗令潮陽一見奇之曰必傳之作也乾隆己酉充選貢  
生父憂未赴廷試足跡不逾嶺海詩名日起鉅公來粵者咸折節下之性好山水屢入朱明洞天窮其幽勝朋儕罕  
當意者惟與德清許周生無錫孫平叔友所居曰百花村亭曰衆香閣曰藥烟生平擅詩書畫三絕其詩由山谷入  
杜而取鍊於大謝取勁於昌黎取幽於長吉取豔於玉溪取僻於閩仙取瘦於東野鍾鑿鍛鍊自成一家言書得晉  
人意畫直造元四家堂奧著有五百四峯草堂詩鈔藥烟閣詞鈔芙蓉亭樂府注莊等書

張君錦芳字粲夫號藥房順德人乾隆五十四年進士官編修初以優貢入都錢竹汀紀曉嵐見之目爲奇士性孝  
友淹貫羣籍通說文分隸得漢人法兼工繪事而於詩所詣尤深與欽州馮敏昌同縣胡亦常稱嶺南三子又與黎  
簡黃丹書呂堅號嶺南四家著有逃虛閣詩鈔南雪軒文鈔馮君敏昌字伯求號魚山欽州人乾隆戊戌進士由庶  
吉士改戶部主事生平徧遊五嶽凡名山巨川煙雲變滅波濤起伏之狀盤礴胸次一發之於詩其詩由昌黎山谷  
以上追李杜又穿穴諸家自關面目所著羅浮草堂集歸然爲嶺南一大宗溫君汝适號箕坡順德人乾隆四十九  
年進士由編修直上書房累官兵部右侍郎歷典廣西四川山東鄉試督陝甘學政其詩詞氣和平肖其人品著攜  
雪齋詩文鈔及曲江年譜咫聞錄韻學紀開日下紀游等書趙君希璜字渭川長甯人乾隆己亥舉人官安陽知縣  
著有四百三十二峯草堂詩少讀書羅浮山嘯吸雲烟灑淪肌骨詩絕無塵俗氣又嘗爲黃仲則刻全集風義尤篤  
胡君亦常字同謙一字多甫順德人年二十五卽以詩鳴舉乾隆辛卯鄉試早逝著賜書樓集黃君丹書字虛舟順

德人天姿秀穎書過目不忘學使李調元拔之充優貢廷試歸築聽雨樓隱居養親乾隆乙卯舉於鄉下第朝貴爭延之不就嘗曰貧與富交則損名賤與貴交則損節朱文正公撫粵時尤加器重工書善畫與其詩並稱三絕詩出入唐宋於蘇尤近呂君堅字介卿號石帆番禺人歲貢生有遲刪集入嶺南四家詩鈔

宋芷灣先生事略

張維屏

宋先生湘字煥襄號芷灣廣東嘉應人九歲見諸伯叔爲文會卽取片紙學爲文下筆有奇氣乾隆壬子舉鄉試第一嘉慶己未進士選庶吉士授編修丁卯典四川試戊辰典貴州試癸酉授曲靖府知府所屬馬龍州地瘠民貧先生捐俸購木棉教婦女紡績尋署廣南府城內地高飲水艱爲度地鑿東西二塘權迤西道所屬大饑爲捐俸賑恤永昌府練鄉兵除暴郡有書院久廢先生興復之捐廉千七百兩有奇灣甸者所屬土州也土知州某死無嗣有景在東者遠族也乘間奪其印專殺自恣不附己者死如是五六年當事怯不敢發賊謀襲土職招匪黨千餘將攻保山縣先生慮爲前明二莽續誓除之商之營不濟請諸鎮帥又不濟賊偵知益猖獗民夷皆赴懇先生曰爾等能爲我殺賊乎衆曰能先生曰果爾芻糧我任之患難我同之遂懸重賞練鄉兵殺賊民夷踴躍於是江有防隘有備又以計散其黨羽賊懼宵遁籌其巢大索七日獲在東斬之自捐軍需銀八千兩不費公家斗粟邊陲以靖郡人建生祠祀之道光五年遷湖北糧道明年卒年七十有一先生襟抱豪邁下筆具倜儻雄奇之概詩磊磊落落從真性情空涌而出自成一家言著有不易居齋集豐湖漫草燕臺演蹄諸集性伉爽見人一藝之工稱譽不容口與番禺張子樹樞莫逆嘗索觀已刻詩良久掀髯笑曰一唱三嘆入人心脾我不如子哀樂無端飛行絕迹子不如我子樹姓張氏名維屏一字南山父炳文嘉慶辛酉舉人官四會訓導事節母以孝聞南山舉道光二年進士官黃梅知縣遇大水小舟勘災急溜衝去得樹免於溺輿歌有官要救民神救官之句調廣濟漕務非折色規費無所出先生曰理不直則氣不壯吾甯舍官以伸氣引疾去汪文端語人曰縣官不願收漕世所罕見也外艱歸援例改同知

權南康知府公暇至白鹿洞與諸生講藝建蘇李二公祠於廬山祀太白東坡未幾罷郡歸少負才名以風雅飾吏治爲蔣講堂翳覃溪馮魚山吳山尊及芷濤先生所激賞與楊春譚康侯香山黃子實稱粵東三子性愛松自號松心子既歸寓居花埭閉戶著書自號珠海老漁有聽松廬文鈔詩話及松心日錄松軒隨筆老漁閒話諸書行世而所輯 國朝詩人徵略尤有功於文獻云

鮑覺生先生事略

程恩澤

鮑先生桂星字雙五一字覺生安徽歙人八歲能詩文十五補諸生嘉慶己未進士選庶吉士授編修 御試高等

遷中允每撰進奉文字輒拜文綺之 賜甲子典試河南遂督河南學政擢洗馬晉侍讀戊辰典試山西庚午擢侍

講學士督湖北學政遷少詹事癸未晉詹事除內閣學士既受代開林清之變疏陳十事馳入京 仁宗亟稱

之且曰已次第施行矣丙戌擢工部右侍郎充武英殿總裁條奏武英殿事劾提調及副管不職狀提調撫先生平

日語中之遂落職令閉門思過越五年復官編修 宣宗即位以編修 召對 諭之曰汝所劾者朕今觀其

職矣既由侍講擢通政司副使 上召見復 諭曰欲爾習練諸事也甲申擢詹事 召對詢年齒甚悉明年

卒於位先生邃於文學質厚性直有明斷才敢任事少從吳澹泉定學詩古文因以溯劉海峯後師姚姬傳於爲詩

力守師說姬傳稱之曰是能合唐宋之體而自成一家人者也著進奉文鈔二卷詩八卷詠史懷人詩十卷又嘗用司

空表聖說輯唐詩品八十五卷同縣程春海侍郎稍晚出與齊名

程先生恩澤字雲芬春海其號也父昌期乾隆庚子進士官侍讀學士春海幼穎異毀齒經傳皆成誦尤好讀古書

剖析疑義同縣曹文敏公金輔之殿撰皆語學士曰此子非凡才也嘉慶辛未成進士選庶吉士授編修道光元年

命直南書房 諭曰汝父蘭翹先生朕昔年最敬其品學汝之聲名朕亦知之宜更勵素行同列皆榮之旋奉

勅校刻養正書屋集是年典四川鄉試遷中允校刻 御製詩文初集三年督貴州學政擢侍講再遷侍講學士十六

年調湖南學政回京遷祭酒母憂服闋仍直南書房十二年典試廣東時以候補祭酒未與開列異數也是年冬命在上書房行走課惠親王讀王敬禮師傳詩古文書法皆日有進甚相益

上與王論先生爲人有和而不

同之目十三年擢內閣學士明年授工部右侍郎調戶部十七年充經筵講官卒於位遺疏入

上嗟悼久之

詔優卹 實其子德威爲舉人先生學識超時俗六藝九流皆深思而得其意工篆法熟精許氏學督學貴州時勸士民育蠶其利大行於民又重刻岳珂五經以訓士及奉 詔纂修春秋左氏傳推本賈服不專守杜氏一家言所著述惟國策地名考二十卷已定本餘多未成書不自料其年不永也詩文雄深博雅於金石書畫考訂尤精審覈諸近人治算法由九章以通四元可謂發明絕學而儀器罕有傳者乃與鄭君復光約修復古儀器所撰國策地名考謂孟津在河北非今孟津縣亦非古河陽縣蒲坂非舜都乃衛蒲邑以嘗入秦仍歸故謂之蒲坂諸條皆確不可易阮文達校毛詩有椒其馨謂椒當作馥其訛久在六朝已然先生曰詩芟芬孝祀韓詩作馥芬孝祀馥字毛詩兩見形聲不謬於六書尤確證也卒年五十有三

### 許周生先生事略

許君宗彥字積卿又字周生浙江德清人父祖京乾隆戊子宦元己丑進士官廣東布政使先生生有異質九歲能屬文劉文正公謂他日必爲名儒費文恪公譚古愚中丞皆異其才王侍郎昶作積卿字說贈之嘉慶己未成進士授兵部主事是科得人最盛幾與康熙己未乾隆丙辰兩詞科相埒朱文正曰經學則有張惠言等小學則有王引之等詞章則有吳鼐等兼之者其許生宗彥乎先生性孝友不忍離其親觀政兩月卽假歸體素羸兩執親喪哀毀過情氣彌弱遂絕意進取顏其齋曰鑑止水以見志杜門著書垂二十年先是君以葬親故隆冬周歷雪山感寒疾戊寅冬益劇至臘月不能穀食日飲水食瓜果神明不亂力疾爲汪家禧楊鳳苞嚴元照作三文學合傳已爲絕筆時坐而逝年五十有一生平寡嗜好惟喜購異書不惜重值於書無所不覩旁及道藏釋典名物象數必躋其奧而

後已獨不取考訂以爲無裨實學尤精天文得天律推步祕法自製渾金球別具神解所著鑑止水齋文集十二卷詩八卷集多說經之文其學說能持漢宋儒者之平其周廟祧考世室考能獲韋元成劉歆鄭康成王肅所未能明其他如日行諸解能辨王寅旭戴震之誤禮論治論諸篇皆獨具神識未經前人道及阮文達目爲通儒而陳恭甫謂足躡梨洲而跨董誥蓋非阿好云配梁氏字楚生相國文莊公孫女少司空教書女工詩著有古春軒詩鈔

鄧湘皋先生事略

歐陽翰 魏源 編

鄧先生顯鶴字子立一字湘皋湖南新化人八歲能詩舉嘉慶甲子鄉試屢試禮部不第遂絕意進取博究羣書足跡半天下凡海內薦紳大夫才俊士多慕與爲友晚授甯鄉訓導尋乞病歸時因事至長沙治旁舍舍客造請詩文者日相踵悉能副其所求歸然稱楚南文獻者垂三十年先生嗜善其天性自幼時開長老稱述鄉邦巨人長德輒欣然聽之比其長也搜討楚故尤不遺餘力楚南值鼎革之際其毅然殉白刃蹈溝壑者不可勝數迨殊世久遠尺歲寸楮多隨水火劫奪以佚若滅若沒委同草莽 國朝風教日盛士尤爭以文術志節相高往往抱幽守獨至老死且害其書牖下不求名於時先生網羅散失每得殘繚斷簡如獲異珍驚喜狂拜不自己所纂沅湘耆舊集千七百八詩萬五千六百八十首各爲小傳以詩存人復搜刻蔡忠烈遺集王船山遺書增輯周聖楷楚寶重修寶慶府志編校歐陽文公圭齋集重訂周子全書至議建會城前後五忠祠及邵州前後五忠祠尤欲舉貞臣烈士爲邦人勸俾各動其忠義之心用意尤深且遠焉先生內行醞篤事其兄顯鵬極友愛嘗作聽雨圖及南村耦耕圖以見志撫兄子勤於己子尤篤風義喜振拔孤寒所爲古文詳贍演迤壹意表章先哲凡予奪失實者必力爲昭雪時以比全謝山之歸琦亭集其爲詩也覃精竭慮與同里歐陽炯東切胸辨析不少假咸豐元年八月卒年七十有五郡人祀之邵州十先生祠著南村草堂詩鈔二十四卷文鈔二十卷資江耆舊集六十四卷沅湘耆舊集二百卷楚寶增輯考異四十五卷武岡州志三十四卷寶慶府志百五十七卷朱子五忠祠傳略考正一卷五忠祠續傳一卷明季

湖南殉節諸人傳略二卷易述八卷次子驥字小皋以拔貢舉於鄉詩文皆有法纂沅湘耆舊集前編極精審後先生一月以毀卒

歐陽礪東初名紹洛易名輅字念祖博學多通書過目不忘少孤貧非其力不食有梁伯鸞徐孺子風乾隆甲寅舉人屢試春官不遇南走粵北爲蘄代之遊與法時帆錢裴山曾賓谷諸人唱和其澗鬱剛介嚴凝之氣一寓於詩其詩初從義山窺少陵臺而爲昌黎泥而爲東坡晚乃跌宕昭彰自出一隊然不多作嘗言作詩當自寫胸中之天不期而與古人合陶文毅嘗刻其詩集於吳中湘皋之輯耆舊集也 本朝二百年間其稱詩老者惟張陶園及礪東

## 二先生云

同郡魏先生源字默深邵陽人嘉慶癸酉拔貢己卯及道光辛巳兩中副榜壬午舉順天鄉試冠南籍試卷進呈

宣廟手批嘉賞名牘甚入賞爲內閣中書改知州甲辰第進士發江蘇以知州用權東臺興化縣事己酉大水河帥將啓闡先生力爭不能得則躬赴制府擊鼓陸制軍建瀛聞報立往勘始得免啓七州縣士民皆德之未幾補高郵州坐驛遞遲誤免尋以緝獲梟匪功經袁副憲甲三奏復其官咸豐六年卒先生文筆奧衍熟於掌故尤悉心時務精輿地之學其論河務謂宜改復北行故道咸豐五年銅瓦廂之決河復北流由大清河入海適與所論相合蓋猶及見之云所著有曾子章句二卷 聖武記十四卷海國圖志六十卷詩古微十卷書古微十卷公羊微十卷春秋繁露注十二卷清夜齋文集二十卷選 皇朝經世文編及論學文選如千卷方先生之舉京兆也文譽騰起典會試者爭欲羅致之得一卷文筆絕類先生揭曉則同年生益陽湯海秋也海秋名鵬豪於文道光癸未進士所爲制舉藝列市肆中士擬取科第者相踵而君於是時已專力爲詩歌古文詩凡三千餘首初由禮部主事直軍機處遷戶部員外郎晉御史意氣踔厲所慕惟李文饒張太岳一流於是勇言事未逾月章三上以劾宗室尙書某被譴罷御史仍回戶部循資遷郎中屢校禮部試英夷擾海疆求通市君已黜不得建言猶條上夷務三十事乞尙書

轉奏皆 報聞其後米利堅求改關市約有奏中不可許者數事人以是服其精非空言無實者比也君既負才不試則益務著書以自暴白於天下所作浮邱子立一意爲幹幹分爲支支之中又有支焉則支復爲幹支幹相演以遞於無窮大抵言軍國利病吏治要最人事情僞凡九十餘篇撮四十餘萬言每遇人輒曰能過我一閱浮邱子乎而其友魏默深則曰是書可傳也甲辰七月卒年四十有四

陳章侯先生事略

崔子忠 羅聘

陳先生洪綬字章侯浙江諸暨人年四歲就塾婦翁家翁方治室以粉塋壁先生累案登其上畫漢前將軍關侯像長十尺餘拱而立翁見之大驚下拜遂以室奉侯既長師事劉念臺先生講性命之學已而縱酒挾妓自放頭面或經月不沐客有求畫者雖褻折足恭勿與至酒閒召妓輒自索筆墨小夫稚子無弗應也嘗客杭州友人招飲西湖先生赴之遇他舟徑登其席坐上座飲主人徐察之知爲章侯也亟稱其畫先生大駭曰子與我不相識也拂袖去崇禎壬午充國子監生明年還里既遭亂混跡浮屠閒自稱老遲亦稱悔遲亦稱老蓮縱酒挾妓如故語及身世亂離輒慟哭不已後數年以疾卒先生能詩爲畫名所掩著有寶綸堂集時有崔青蚓者與齊名京師號南陳北崔崔先生名子忠字開子一名丹別字青蚓明末補順天府學生負才名尤善畫董尙書其昌異之謂非近代所有也益自重凡以金帛請者概不應有友人官吏部屬選人以千金爲壽先生投之地曰乃以選人金汚我耶史忠正公家居過其舍見先生方絕食乃留所騎馬徒步歸先生舊馬得十數金呼其友與痛飲曰此酒自史道鄰來非盜泉也一日而金盡絕食如故好讀書通大戴禮發爲詩古文奧博奇崛非近世所有流賊陷京師先生出奔鬱鬱不自得會人有觸其意者走入土室中匿不出遂餓而死先生二女皆善畫而章侯妾胡淨鬢亦能畫花卉云

羅君聘字遯夫號兩峯歙縣布衣寓江都爲金冬心弟子畫入高格尤喜畫鬼有鬼趣圖爲時所重詩亦超然物外重甯寺爲 純廟祝釐地畫壁至今存蓋離商持數百金倩兩峯所作也王述庵謂其畫大阿羅漢及摩訶薩

像足與陳章侯崔青蚓相上下洵不誣云

王石谷先生事略 黃鼎

國初畫家有三王之稱三王者太常卿時敏字煙客廉州太守鑑字元照而其一爲石谷先生其後又稱二王謂先生與麓臺侍郎原祁也先生名翬字石谷別號耕烟宋忠臣堅之後世爲常熟人童時無嗜好常引荻畫壁作山水卽生動會廉州過虞山於壁閒見小幅驚喜甚問誰作知爲王氏子年甫冠也歸語太常具舟迎之館於西田盡出唐以後名畫俾坐臥游泳其中盡得古人秘奧而一以靈心運之垂二十年遂成大家先是館西田時倣古人神品廉州推服曰此非吾弟子也三百年罕觀此人矣而一時耆宿若錢牧齋吳梅村周櫟園王阮亭宋漫堂諸公爭作詩古文張之推爲大家無異辭有 詔徵召以布衣供奉 內廷嘗繪 南巡圖天下能手駢集咸逖巡莫敢下筆先生至口講指畫咫尺千里令衆分繪而已總其成圖成 上覽之稱善欲授官以不能任職辭出都日公卿祖餞多賦詩贈行先生篤孝友慎交遊尤敦風義太常廉州殁歲必省其墓乞畫者必擇人而與否則巧取豪奪不能得晚歲煙雲供養外吟風弄月終其身康熙丁酉卒年八十有六武進惲壽平少寫山水見先生畫歎曰吾讓子爲一人矣遂專工花卉稱絕藝同縣有黃尊古先生者稍晚出名與先生齊

尊古名鼎號曠亭世居常熟之唐墅鎮生平好遊覽嘗之齊魯登岱歷燕趙韓魏入秦登太行終南太華諸山又出塞垣數千里經于闐近身毒國乃還後居黃山游匡廬羅浮九疑陟嵩衡升峨嵋攀岷山窮長江之源已乃入天台雁蕩武夷諸勝凡詭奇怪偉之狀一寄之於畫論者謂石谷看盡古今名畫下筆具有淵源尊古看盡九州山水下筆具有生氣並稱大家焉尊古客京師時有故相延之與均禮然見其傾軋者多恐將及難堅辭去及故相罹禍時尊古在粵中走六千餘里入都相與哭別晚歲有制府係舊識具書幣招往秦中旣至聞其縱恣無度遂策馬還竟不往見途中惟寫終南雲氣武功太白諸圖以壯行色聞者高之性孝友獨力葬大父母父母兄子貧無歸分產

給之養姊妹之寡者四方覬遺隨手盡不爲後日毫髮計少從邱高士嶼雪學畫後師範臺然每與人言必曰我邱先生弟子也卒於雍正八年年七十有一

鄧完白先生事略

先生姓鄧氏字石如其名以恭避 仁宗廟諱故遂以字行而更字頑伯安徽淮甯人居皖公山下又號完白山人少讀書好刻石仿漢人印篆甚工弱冠孤露卽以刻石遊性廉介無所合客壽州適梁大令嘯主壽春書院以工李邕書名天下先生爲其門下生刻印又以小篆書諸生簞梁見之歎曰此子未諳古法耳其筆勢渾鸞余所不能充其才力可獨步一時矣因爲治裝而致之江甯梅孝廉鏐孝廉爲文穆公季子梅氏自北宋以來爲江左甲族搜藏甚富文穆又受 聖祖殊遇得內府珍祕尤多秦漢以來金石善本備在焉先生旣得縱觀推索其意窮

雅俗之分好石鼓文李斯嶧山碑太山刻石漢開母石闕熒煌太守碑蘇建國山碑及皇象天發神識碑李陽冰瘞隤廟碑三墳記臨摹各百本又苦篆體不備手寫說文解字二十本復旁撻三代鐘鼎及秦漢瓦當碑額以縱其勢博其趣窮日夜忘寒暑五年篆書成乃學漢分臨史晨前後碑華山碑白石神君張遷等碑各五十本三年分書成嘗自謂吾篆未及陽冰而分不減梁鵠蓋篤論也先生客梅氏八年學旣成徧遊名山水仍以書刻自給遊黃山至歙謁篆於買肆武進張編修愚言方授經金修撰榜家編修故深究秦篆見先生書語修撰曰今日得見上蔡真跡修撰驚問語以故遂冒雨偕詣先生於古寺修撰延爲上客金氏家廟甚壯麗其楹皆貞石而刻聯及懸額修撰精心寫作蓋百易而後定謂莫能加也及見先生書卽鳩工斲其額而石楹旣豎不便磨治乃架屋而臥楹屬先生書之刻成乃重建其傾服至此編修從先生受篆法一年修撰稱之於曹文敏公文壇文敏屬先生作四體千文橫卷一日而成文敏歎絕具白金五百爲壽未幾文敏入都強之同往先生獨戴草笠輟芒屨策蹇後文敏三日行文敏次山東相值於開山明人之下命吏郊迎文敏先生策蹇過轅門門者呵止之文敏遙見先生趨延入讓上座徧

贊於諸公曰此江南高士鄧先生也其四體書皆爲國朝第一諸公乃大驚爲具車從先生卒辭不肯同行時都中工書者推劉文清而鑒別則推陸副憲錫熊見先生書皆大驚踵門求識而且曰千數百年無此作矣先生遂留都門未幾文清左遷副憲暴卒而翁閣學方綱夙擅篆分以先生不至其門乃力詆之耳食者和其說先生尋出都文敏爲治裝致之於畢制軍沅時吳中知名士多集節署裘馬都麗先生獨布衣徒步居三年辭歸留之不可乃爲置田宅爲終老計後文敏病篤語其子曰吾卽逝鄧山人必有挽聯至卽以勒吾墓華表及專祠前楹足矣涇人包世臣慎伯推先生篆書爲神品嘉定錢坫獻之自負其篆爲直接少溫與慎伯同遊焦山見壁間篆書曰此非少溫不能作而楮墨似百年物世閒豈有此人耶此人而在吾不復擲管矣旣知爲先生二十年前作乃撫其不合六書處以相詆陽湖錢伯坰魯斯故服先生篆分推爲絕業復見其行草歎曰楊少師神境也遂因慎伯見先生及與論運腕法不合助獻之詆先生甚力而陽湖李兆洛申耆獨以慎伯所推爲當先生卒於嘉慶十年年六十有三子傳密能承其學申耆藏先生各體書爲勒石以傳之

國朝先正事略卷四十五 遺逸

徐侯齋先生事略 戴易 巢鳴盛 沈鼎生

先生姓徐氏名枋字昭法江蘇長洲人侯齋其別字也父忠節公汧崇禎戊辰進士官諭德南都立遷少詹事屢疏詆馬阮爲所齟乞病歸乙酉六月蘇州破正衣冠投虎邱新塘橋下死之事具明史先生弱冠舉崇禎壬午鄉試忠節公將徇國先生號泣欲從死忠節曰吾不可以不死若長爲農夫以沒世可也自是隱居終其身足不入城市初避地汾湖已遷蘆區遷金壘往來靈巖支硎閒終於澗上草堂地當天平山麓後人就草堂立祠祀焉先生與宣城沈壽民嘉興巢鳴盛稱海內三遺民性峻潔鍵戶不與人接書法孫過庭畫宗巨然閒法倪黃自署秦餘山人海內傳其遺墨爭寶之蔡制軍毓榮慕其名具書幣屬其友人通意卻之湯文正撫吳屏騶從徒步造門者再卒不見嘆

息而返所往來惟壽民及蒸陽姜實節崑山朱用純同里楊无咎山陰戴易甯都魏禧門弟子吳江潘耒暨南嶽僧洪儲數人而已黃岡杜濬於並世人獨重先生及壽民自愧不如先生耐寒飢不納人一絲一粟惟洪儲時急而周之曰此世外清淨食也嘗絕糧數日黃九煙造之出畫簪俾鬻於市無售者則曰此黃九煙詩畫也乃得銀數錢歸而先生及九煙皆怒以爲洩九煙名趣返其值先生豢一驢甚馴通人意日用閒有所需則以所作書畫卷置籠於驢背驅之驢獨行及城闔而止不闌出一步見者爭趣之曰高士驢至矣亟取卷以日用所需物如其指備而納諸籠以爲常康熙三十三年卒年七十有三遺命不受弔商邱宋擘時撫吳以不得一致購縫於先生爲憾所著居易堂集二十卷文辭健拔意在扶植世教無一諛墓酬應之作又有二十一史文彙通鑑記事類聚讀史稗語讀史雜鈔建元同文錄管見等書子文止文行有父風早卒

戴易字南枝山陰人少從劉念臺先生學游吳門年七十餘矣與先生一見相得稱老友先生歿僅一孫饒粥不繼謀葬諸祖塋不獲南枝曰吾爲侯齋任此事相度經年得地於鄧尉之西真如塢謂潘耒曰地在梅花深處與高士宜第索直三十金耒先以十金成券會有黃山之游南枝募於人無應者適矢願賣字以給之南枝故善八分書非其人不可得至是榜於門每幅銀一錢貲遂集又相旁地并買之南枝貧無隔宿炊冬月常衣絺其質字也銖積寸累不妄費一錢一蒼頭飢不能忍輒逃去已則寄食僧舍中語及徐先生必流涕云

巢鳴盛字端明號崆峒幼孤事母至孝崇禎丙子舉於鄉甲申明亡母亦殤卽築室於墓顏其章堂曰永思閣曰止閣而自號止園三十七年跬步不離墓次康熙十九年卒年七十侯齋爲定私諡曰貞孝先生

洪儲字退翁興化李氏子出家住靈巖最久南都覆吳越興義旅退公實左右之辛卯被逮諸義士爭救之久而免好事如故或戒之曰憂患得其宜湯火亦樂國也侯齋先生曰每歲三月十九日退翁必素服焚香北嚮揮涕拜蓋二十八年如一日耳退公嗣法弟子滿天下其最曰正志故大學士嘉魚熊公開元也初入山執爨事退公一見輒

知爲非常人其次曰宣城沈馨生故監司壽嶽子壽嶽死國事馨生抱王哀之痛遂祝髮事退公後居姚江名大鄒  
沈耕巖先生事略

耕巖姓沈氏諱壽民字眉生世爲宣城人性孤峭不妄言笑爲文好深澁之思江右艾千子至宛陵盛稱之一時聲  
華之盛江上二沈遂與吳中二張埒二張謂天如受先二沈謂崑銅及先生不以名位爲甲乙也明崇禎丙子詔行  
保舉法巡撫張國維以先生應詔時流寇躡中原特起楊嗣昌於苦塊倚以辦賊而嗣昌以熊文燦之招撫爲嘗試  
逍遙司馬堂先生伏闕上疏謂綱常正而後可以正世風金革奪情乃陋儒之曲說卽嗣昌迫於君命亦應躬歷戎  
行枕戈衽革而乃支吾且夕安坐京師軍旅之寄一付諸文燦以招撫爲上策天下有不殺人而能生人者乎有授  
柄於賊而可懾賊者乎將來釀禍誤國嗣昌之肉其不足食矣疏爲通政所格再上留中不報黃忠端公道周歎曰  
此何等事朝臣不言而草野言之平吾輩魂死矣於是臺臣何楷錢增林蘭友詞臣劉同升趙士春相繼劾嗣昌最  
後忠端有廷辨之事皆先生發其端也先生上書報罷遂棄經生業與周鹿溪鑣掩關求佐王之學從游者數百人  
無何而黨禍作阮大鍼者魏閣義兒也以新聲高會招來天下士翼復起先生於劾嗣昌疏中及之於是顧杲吳應  
箕等推先生之意作留都防亂揭以攻之大鍼恨甚及得志按揭中姓名將盡戮之而以先生爲首先生變姓名入  
金華山中南都亡遂匿跡深山採藥藉以自食有知而餉之者皆峻却曰士不窮無以見義不奇窮無以明操郡守  
朱元錫致千金辭不獲度置壁中三年未嘗一發視也溧陽陳名夏雅善先生旣入相將特疏薦之遣使寓書先生  
不發函對使焚之溧陽意猶未已先生遺書曰龔勝謝枋得智非不若皋羽所南也而卒殞軀者由多此物色耳今  
之薦僕者直欲死僕也溧陽歎息止自是避人愈堅足不履城市者三十年當事或邀之及半道望望然去康熙乙  
卯五月卒年六十九疾革命門人劉堯枝施閻章載筆曰以此心還天地此身還父母此學還孔孟語畢而瞑生平  
重然諾友人周梅骨死海外子幼先生渡海葬之鹿溪之沒也貌孤爲逋負所逼先生鬻田以償始有完卵與黃梨

洲交最篤別四十餘年矣臨殤爲書永訣去易簣十有二日耳遺集若干卷閑道錄若干卷

汪魏美先生事略

汪先生諱渢字魏美浙江錢塘人少孤貧力學與人落落寡諧人號曰汪冷舉崇禎己卯鄉試與同縣陸公培齊名太守錢君以女妻之初盛飾入門先生誠之乃屏侍婢以疏布躬操作明亡遂棄科舉姻黨欲強之試禮部出千金賂其妻俾勸駕妻曰吾夫子不可勸吾亦不屑此金也嗣因兵亂奉母入天台海上師起羣盜滿山谷始反錢塘僑寓北郭外室如懸磬處之晏如常是時湖上有三高士之目先生其一也當事皆重之監司盧高尤下士一日遇先生於僧舍問汪孝廉何在先生應曰適在此今已去矣盧悵然不知應者卽先生也盧嘗遣人通殷勤於三高士約置酒湖船以世外禮相見其二人幅巾抗禮盧相得甚歡惟先生不至爲恨事已知其在孤山放船就之終排牆遁去先生不入城市有司或以俸金爲壽不得却埋之里貴人請募銘饋百金拒弗納始居孤山遷大慈菴又遷寶名院匡牀布被外殘書數卷鍵戶出或返或不返莫可蹤跡遇好友飲酒一斗不醉氣象灑灑塵事了不關懷然夜觀乾象書習壬遁若其耿耿者猶未下也康熙丁酉黃先生梨洲遇之於孤山頗講龍溪調息法各賦詩三章明年同坐葛仙祠又明年笑魯菴中坐月至三更是夜寒甚菴中止布被一先生與梨洲兩背相摩得少煖氣明日梨洲入雲居訪仁菴先生矢不入城至清波門別去魏叔子自江西來訪先生謝弗見叔子留書曰魏美足下吾甯都魏禧也欲與子握手一痛哭耳足下以尋常游客拒之則可謂失人先生省書大驚一見若平生歡臨別執手涕下先生嘗從愚菴和尚究出世法叔子曰君事愚菴謹豈有意爲其弟子耶先生曰吾甚敬愚菴然今之志士多爲釋氏牽去此吾所以不肯也乙巳七月三十日終於寶石僧舍年四十有八臨殤舉書卷焚之詩文無一存者起視日影曰可矣書五言詩一章投筆就寢而逝詩曰大化無停晷道術久殊轍住世守頑形問途猶未徹至人本神運可會不可說冰泮水還清雲開月方潔一旦破樊籠逍遙從此別

些菴先生姓郭氏名都賢字天門湖南益陽人父諱以鄉貢知開縣夙有志於道學從吉州鄒先生守益游最先入生幼穎異天啓二年進士授行人賞冊封閩藩七年分校順天鄉試得史可法等六人歷官員外郎出爲四川參議督江西學政分守嶺北道崇禎十五年巡撫江西黜貪墨獎循吏汲汲如不及時張獻忠已逼境賊騎充斥先生晝夜繕守禦兵餉無措乃大會屬僚凡官司一應供給皆捐以助餉左良玉屯兵九江驕蹇觀望先生惡其淫掠檄歸之而自募土兵爲戍語見明史良玉傳會有尼之者遂乞病棄官入廬山逾年北京陷悲憤不食南都建號史公開闢揚州薦授南京操江辭不赴桂王立肇慶以兵部尙書召而先生已祝髮爲僧矣先是洪承疇坐事落職先生奏請起用至是承疇入 本朝經略西南以故舊謁先生於山中既得見饒以金不受奏攜其子監軍亦堅辭先生見承疇時故作目昧狀承疇驚問何時得目疾先生曰始吾識公時目故有疾洪默然甯都魏禧先生撫江西時所得士也禧嘗上書曰先生抱道履德二十年閒所著述之文與所交游造就之士必有偉論奇人足以振天下之聾瞶開後世之太平者其推重如此論者謂先生門下史忠正之節義經濟魏叔子之文章得一已足不朽可想見師友淵源之盛矣先生篤至性哀樂過人嚴而介風骨嶙峋博學強識工詩文書法瘦硬兼善繪事寫竹尤入妙人得其片紙隻字爭珍奇之視髮後號頑石又號些菴茹苦無定居初依熊魚山開元尹洞庭民興於嘉魚住梅熟菴已流寓河陽築補山堂前後十九年歸結草廬桃花江復以詩累客死江甯承天寺有女名純貞許字黔國公沐氏國變後音問梗絕遂終於家純貞能詩自署曰郭貞女先生所著有衡嶽集止菴集秋聲吟西山片石集破草輟集補山堂集些菴雜著等書時有陶密菴者與齊名

陶先生汝龍字仲調一字曼友甯鄉人也少奇慧甫齠應童子試督學徐亮生驚喜得異才拔冠湖南數郡崇禎九年充拔貢生會上幸太學羣臣請復高皇積分法祭酒顧九疇奏薦先生才莊烈帝特賜第一 詔題名勒石太學